



የኢትዮጵያ ኦርቶዶክስ ተዋሕዶ ቤተ ክርስቲያን የገዳር ጽዮን ሥርዓተ ማኅሌት



እስመ ኃረያ
ወአብደራ ከመ
ዛቲ ይእቲ



እግዚአብሔር ለጽዮን
ትኩኖ ማኅደሮ
ምዕራፍዩ ለዓለም።



የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ሚካኤል ሊቀ መላእክት ሰክል በእንቲኦነ፤
ወቅዱስ ገብርኤል አዕርግ ጸሎተነ።

፬ቱ እንስሳ መንፈሳውያን፤

ሰባሕያን ወመዘምራን፤

ሰክሉ በእንቲኦነ፤

ጁወ፬ቱ ካህናተ ሰማይኒ አእርጉ ጸሎተነ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ነቢያት ወሐዋርያት ፣ ጸድቃን ወሰማዕት፤
ሰአሉ በእንቲአነ፤
ምስሌክሙ ከመ ይክፍለን፤
መክፈልተ ወርሰተ ለኩልን።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ማኅበረ ቅዱሳን ወሰማዕት ሰክሊ በእንቲክነ፤
መላእክተ ሰማይኒ አእርጉ ጸሎተነ።

ማርያም እግዝእትነ፤
ወላዲተ አምላክ ሰክሊ በእንቲክነ፤
እስመ ረከብኪ ሞገሰ በኅብ እግዚአብሔር።

ረከብኪ ሞገሰ መንፈሰ ቅዱሰ ወኃይለ ሰክሊ
አስተምሕሪ ለነ ማርያም ወልድኪ ሣህሎ ይክፍለነ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ኅብ ተርኅወ ገነት ወኅብ ተነፅፈ ዕረፍት ይክፍለን
ነሀሉ ውስተ በዓቶሙ ለቅዱሳን። ፫ ጊዜ





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



መሪና ተመሪ ይበሉ

ስምዓኒ እግዚአ ጸሎትየ ሃሌ ሉያ ሃሌ ሉያ
ወይብጻሕ ቅድሜከ ገዳርየ ሃሌ ሉያ ሃሌ ሉያ
ወኢትሚጥ ገጸከ እምኔየ።

አንሺ

ስምዓኒ እግዚአ ጸሎትየ ሃሌ ሉያ ሃሌ ሉያ
ወይብጻሕ ቅድሜከ ገዳርየ ሃሌ ሉያ ሃሌ ሉያ
ወኢትሚጥ ገጸከ እምኔየ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ተመሪ

በዕለተ ምንዳቤየ አፅምኧ እዝነከ ኅቤየ

ሃሌ ሉያ ሃሌ ሉያ

አመ ዕለተ እጼውዓከ ፍጡነ ስምዓኒ ሃሌ ሉያ ሃሌ ሉያ

በጎብረት

ለዓለም ወለዓለም።

ሃሌ ሉያ ዘውእቱ ብሂል፤

ንወደሶ ለዘሀሎ እግዚአብሔር ልዑል፤

ስቡሕ ወውዱስ ዘሣረረ ኩሎ ዓለመ በአሐቲ ቃል።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ስምዓኒ እግዚአብሔር ለሁሉም ሃሌ ሉያ ሃሌ ሉያ
ወይብዳሕ ቅድሚኛ ገዳር ሃሌ ሉያ ሃሌ ሉያ
ወኢትሚጥ ገደስ እምነ፤ በዕለተ ምንዳቤ አፅምኝ
እዝነከ ንቤ ሃሌ ሉያ ሃሌ ሉያ
አመ ዕለተ እጼውዓከ ፍጡነ ስምዓኒ ሃሌ ሉያ ሃሌ ሉያ
ለዓለም ወለዓለም።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ሁለተኛ ማንኛ ሃሌ ሉያ ዘውኝቱ ብሂል፤

ንወድሶ ለዘሀሎ እግዚአብሔር ልዑል፤

የመጀመሪያ ማንኛ

ስቡሕ ወውዱስ ዘሣረረ ኩሎ ዓለመ በአሐቲ ቃል።





በኅብረት ዜማ

ዳዊት ነቢይ በከመ ጸለየ፤
 እጼሊ ኅቤከ እግዚአብሔር አምላኪያ፤
 እንዘ እብል ከመዝ ጸወንየ ወኰኩሐየ፤
 ወታድኅነኒ ሊተ እምጸላእትየ፤
 ወዓቃቤየ ትከውነኒ ወእትዌከል ብከ ምእመንየ፤
 ወዘመነ ፍርቃንየ ረዳኢየ ወምስካይየ ወሐይወትየ፤
 ወታድኅነኒ እምእደ ገፋኢየ፤
 ሃሌ ሉያ በሰብሐት እጼውዓከ ንጉሥየ ወአምላኪያ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥዳር ጽዮን ሥርዓተ ማኅሌት



ሚካኤል መልአክ ሰአል ወጸሊ በእንቲአነ፤
ወበእንተ ነፍሰ ኩልነ ፤ መልአኪያ ይቤሎ፤
እመላእክት ሠምሮ መልአክ ኪዳኑ ለክርስቶስ።

ሰላም ለክሙ ማኅበረ መላእክት ትጉሃን
ሰላም ለክሙ ማኅበረ ነቢያት ቅዱሳን
ሰላም ለክሙ ማኅበረ ሐዋርያት ፍንዋን
ሰላም ለክሙ ማኅበረ ሰማዕት ወጸድቃን
ሰላም ለክሙ ማኅበረ ሥላሴ ጉቡኣን
ወሰላም ለማርያም ዘእሳት ክዳን።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ማኅበረ መላእክት ወሰብኝ ተአይነ ክርስቶስ ወኝሁ፤
ሰላም ለክሙ ሶበ እከሰት አፋየ ለውዳሴክሙ፤
ፍሬ ማኅሌት እምልሳንየ ትቅስሙ፤
ምስሌየ ሀልዉ ወምስሌየ ቁሙ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ሰላም ለአብ ወለወልድ ቃሉ፤

ወለመንፈስ ቅዱስ ሰላም ዘክካሎሙ አካሉ፤

ለማርያም ሰላም እንተ ተሳተፈት ስብሐተ እሉ፤

ሰላም ለመላእክት ወለማኅበረ በኩር ኩሉ፤

ጽሑፋን መልክእ ወስም በሰማይ ዘላዕሉ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ሰላም ለአብ ገባሬ ኩሉ ዓለም፤

ለወልድ ሰላም ፤ ወለመንፈስ ቅዱስ ሰላም፤

ለማርያም ሰላም ወለመላእክት ሰላም፤

ሰላም ለነቢያት ወለሐዋርያት ሰላም፤

ለሰማዕታት ሰላም ወለጸድቃን ሰላም።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ሰላም ለአብ ዘእምቅድመ ዓለም ነጋሢ፤
ለወልድ ሰላም ሥጋ ማርያም ለባሰ፤
ወለመንፈስ ቅዱስ ሰላም ኃጢአተ ዓለም ደምሳሰ።
ኃይልየ ሥላሴ ወጸወንየ ሥላሴ፤
በሰመ ሥላሴ እቀጠቅጥ ከይሴ።





ነግሥ

ሰላም ለኩልያትክሙ እለ ዕሩያን በአካል፤
ዓለመክሙ ሥላሴ አመ ሐወፀ ለሣህል፤
እምኔክሙ አሐዱ እግዚአብሔር ቃል፤
ተፈጸመ ተሰፋ አበው በማርያም ድንግል፤
ወበቀራንዮ ተተክለ መድኃኒት መስቀል።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ዚቅ

ሃሌ ሉያ ለአብ፤

ሃሌ ሉያ ለወልድ፤

ሃሌ ሉያ ለመንፈስ ቅዱስ፤

ዕዝራኒ ርእያ ለጽዮን ቅድስት

እንዘ ትበኪ ከመ ብእሲት።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ሰላም ለክሙ ሚካኤል ወገብርኤል፤
ሱራፌል ወኪሩቤል፤
ዑራኤል ወሩፋኤል ፤ ሱርያል ወፋኑኤል፤
አፍኒን ወራጉኤል ወሳቁኤል፤
ወሰላም ለቅዳሴክሙ
ትጉኅነ ሰማይ ዝክሩነ በጸሎትክሙ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ሰላም ለክሙ ሚካኤል ወገብርኤል፤
ሱራፌል ወኪሩቤል፤
ዑራኤል ወሩፋኤል ሱርያል ወፋኑኤል፤
አፍኒን ወራጉኤል ወሳቁኤል፤
ሊቃናተ ነድ ፤ ዘሰማያዊት ማኅፈድ፤
በእንተ በግዑ ዕቀብዋ ለዛቲ ዓፀድ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ሰላም ለክሙ ሚካኤል ወገብርኤል፤
ሱራፌል ወኪሩቤል፤
ዑራኤል ወሩፋኤል ሱርያል ወፋኑኤል፤
አፍኒን ወራጉኤል ወሳቁኤል።
ወሰላም ለከናፍሪክሙ፤
ከመ ትዕቀቡን ተማኅፀን ለክርስቶስ በደሙ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ሚካኤል ወገብርኤል ሱራፌል ወኪሩበል
እለ ትሴብሐዎ
መላእክተ ሰማይ ሰአሉ ለነ አስተምሕሩ ለነ
ቅድመ መንበሩ ለእግዚእነ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ሰላም ለከ ሊቀ መላእክት ሚካኤል፤
ወዲበ ሠናይትከ ዓዲ ለሰብእ ሣህል፤
አሐዱ እምእለ ይባርክዎ ለቃል፤
እዙዝ ዲበ ሕዝብ ከመ ትተንብል፤
በእንተ ሥጋሁ ነበልባል ርእሰነ ከልል።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ሰላም ለከ ንሥረ እሳት ዘራማ፤
ማኅሌታይ ሚካኤል መዓርዒረ ዜማ፤
ለረዲኦትከ ዲቤነ ሲማ፤
ለማኅበርነ ከዋላሃ ዕቀብ ወፍጽማ፤
እመራደ ነኪር አፀንፅ ኑኃ ወግድማ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ሰላም ለሚካኤል ዘነድ ሠራቱ፤
ይትከሃን ወትረ በበምስዋዒሁ፤
እምቅዱሳን አሐዱ እምእለ ይተግሁ፤
ሐዋዝ በአርያም መኃልይሁ፤
ነጐድጓደ ስብሐት ግሩም ይደምፅ ጉህናሁ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ሰላም ለልሳንክ መዝሙረ ቅዱሴ ዘነበልባል፤
ወለድምጸ ቃልክ ሐዋዝ ቀርነ መንግሥቱ ለቃል፤
ሞገሰ ክብሩ ሚካኤል ለተላፊኖስ ባዕል፤
አልቦ ዘይትማሰለክ በልማደ ምሕረት ወሣህል፤
እንበለ ባሕቲታ እኅትክ ማርያም ድንግል።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ንዌጥን ዝክረ ውዳሴሆሙ ለነቢያት ወሐዋርያት፤
ለጳድቃን ወሰማዕት፤
ለአእላፍ መላእክት ዘራማ ኃይላት፤
ለምልዕተ ፀጋ ማርያም ቡርክት፤
ወለሥግዑ ወልዳ ነባቢ እሳት።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ንጭጥን ዝክረ ወድሶታ ለመንፈሳዊት ርግብ፤
ዘመና ልሁብ፤
እምክናፍሪሃ ይውኅዝ ሐሊብ፤
ተፀውረ በማኅፀና እሳት ዘኮሬብ፤
ወያውዓያ ነድ ወላህብ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ማኅፀንኪ እግዝእትየ ማርያም ይከብር ምስብዒተ፤
እምጽርሐ አርያም ዘላዕሊ ወእምኪሩቤል ትርብዕተ፤
፱ተ አውራጃ ወሐምስተ ዕለተ፤
ፆረ ዘኢይፀወር መለኮተ፤
አግመረ ዘኢይትገመር እሳተ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ላይ ቤት በተቆመ ጊዜ የሚባል

ይትባረክ ሰምኪ ማርያም ዘአውጻእክነ እምጸድፍ፤

በርኅራኄኪ ትሩፍ፤

ይሴብሐኪ ኪሩቤል በዘኢያረምም አፍ፤

ሐራ ሰማይ ትጉሃን እጉዛነ ሰይፍ፤

ኅላቋሆሙ አእላፍ፤

አምሳለ ደመና ይኬልሉኪ በክንፍ።

“ለዝክረ ሰምኪ ዘመንክር ጣዕሙን” በል





የኢትዮጵያ ኦርቶዶክስ ተዋሕዶ ቤተ ክርስቲያን
የጥዳር ጽዮን ሥርዓተ ማኅሌት



በታች ቤት ይኸንን በል

ምንተ አአሰዮ ለእግዚአብሔር አሐተ፤

በእንተ ኩሉ ዘገብረ ሊተ፤

ርሰዬኒ እሙ አሰምሮ ግብተ፤

ማርያም እግዝእትዮ ዘሜጥኪ እሳተ፤

ድኅረ በጽሐ ልሣኑ ዘለኪ ቤተ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ሰላም ለአፋኪ አፈ በረከት ትሩፍ፤
ወአንቀፀ ቅዱስ መጽሐፍ፤
አማኅፀንኩ ነፍሰየ በኪዳንኪ ውኩፍ፤
ኢይትነፈር ቅድመ ወልድኪ ወመላእክቲሁ አእላፍ፤
አመ ሥርወ ልሳን ይትገዘም ወይትሐተም አፍ።





የኢትዮጵያ ኦርቶዶክስ ተዋሕዶ ቤተ ክርስቲያን
የጥዳር ጽዮን ሥርዓተ ማኅሌት



ሰላም ለዝክረ ሰምኪ ዘመንክር ጣዕሙ፤
ለወልድኪ አምሳለ ደሙ፤
መሠረተ ሕይወት ማርያም ወጥንተ መድኅኒት
ዘእምቀዲሙ፤
ኪያኪ ሠናይተ ዘፈጠረ ለቤዛ ዓለሙ፤
እግዚአብሔር ይትባረክ ወይትአኩት ስሙ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ዚቅ

ዘዘካርያስ ተቅዋም ዘወርቅ፤

ዘሕዝቅኤል ነቢይ ዕፁት ምሥራቅ፤

ለመሠረትኪ የኃቱ ዕንቀፋ፤

ሰአሊ ለነ ማርያም በአሚን ንጽደቅ።





ነግሥ

ነቢያተ ጄኤል ጸሐፉ በመጽሐፎቹ እሙነ፤
ነገረ ሰቆቃው ወላህ በዘመኖቹ ዘኮነ፤
ለባቢሎን ውስተ አፍላጋ እመ በጸዋዌ ነበርነ፤
ውስተ ኩሃቲሃ ዕንዚራቲነ ሰቀልነ፤
ሶመ ተዘከርናሃ ለጽዮን እምነ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ዚቅ

ሶበ ተዘከርናሃ ለጽዮን፤

ወሶበ ኢረሳዕናሃ ለኢየሩሳሌም።





ዚቅ (ዘግምጃ ቤት)

ወይቤላ ኢትፊኦጵያኑ ላህ ዚእነ፤
እንተ ረከበተነ በእንተ ጽዮን፤
እዝራኒ ርእያ ወተናገራ።

ወረብ

ወይቤላ ኢትፊኦጵያኑ ላህ ዚእነ እንተ ረከበተነ
እዝራኒ ርእያ ወተናገራ።





መልክክ ማርያም (፩)

ሰላም ሰላም ለዝክረ ስምኪ ሐዋዝ፤

እምነ ከልበኔ ወቀራሰጥ ወእምነ ሰንበልት ምዑዝ፤

ማርያም ድንግል ለባሲተ ዐቢይ ትዕዛዝ፤

ይሰቅየኒ ፤ ለለጽባሐ ወይነ ፍቅርኪ አዚዝ፤

ከመ ይሰቅዮ ውኒዝ ለሠናይ አርዝ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ዚቅ

አንሶሱ ማዕከለ መርህብኪ ፤ ይቤ ቅዱሰ እሥራኤል ፤
ተንሥኢ ተንሥኢ ጽዮን ፤ ልበሲ ኃይለኪ ጽዮንሃ
ስመኪ።

ወረብ

አንሶሱ ማዕከለ መርህብኪ ፤ ይቤ ቅዱሰ እሥራኤል
ተንሥኢ ጽዮን፤ ልበሲ ልበሲ ኃይለኪ።





ዚቅ (ዘግምጃ ቤት)

ሃሌ ሉያ ፤ ሃሌ ሉያ ፤ ሃሌ ሉያ እምነ ጽዮን በሀ፤
ቅድስት ቤተ ክርስቲያን ፤ - ሥርጉት በስብሐት
ዓረፋቲሃ ዘመረግድ ፤ - ሥርጉት በስብሐት
ወማኅፈዲሃኒ ዘቢረሌ ፤ - ሥርጉት በስብሐት
እምስነ ገድሎሙ ለሰማዕት ፤ - ሥርጉት በስብሐት
ታቦተ ሕጉ ለንጉሥ ዐቢይ ፤ - ሥርጉት በስብሐት
እንተ ክርስቶስ መሠረትኪ
ፀሐየ ጽድቅ ያበርህ ለኪ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ወረብ

እንተ ክርስቶስ መሠረትኪ ፀሐየ ጽድቅ ያበርህ ለኪ
ፀሐየ ጽድቅ
ለሰማዕት ሥርጉት በስብሐት ፤ ሥርጉት በስብሐት።





መልክክ ማርያም (፪)

ሰላም ለአስናንኪ ሐሊበ ዕጐልት ዘተዛወጋ፤
ወመራዕዩ ቅሩዓት እለ እምሕፃብ ዐርጋ፤
ማርያም ድንግል ለደብተራ ስምዕ ታቦተ ሕጋ፤
አፍቅርኒ እንበለ ንትጋ ለብእሴ ደም ወሥጋ፤
ዘየዐቢ እምዝ ኢየታሥሥ ጸጋ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ዚቅ

ታቦተ ሕጉ ለእግዚአብሔር በካህናት ሕፅርት፤
ወበመንፈስ ቅዱስ ክልልት፤ ንጉሥኪ ጽዮን።
ኢይትመዋዕ ለፀር ወኢየጎድጋ ለሀገር።

ወረብ

ታቦተ ሕጉ ለእግዚአብሔር በካህናት ሕፅርት፤
ወበመንፈስ ቅዱስ ክልልት፤
ንጉሥኪ ጽዮን ኢይትመዋዕ ለፀር ፤ ወኢየጎድጋ
ለሀገር።





መልክክ ማርያም (፫)

ሰላም ለከርሥኪ ዘኣፈድፈድ ተበጽዖ፤
እም ታቦተ መሴ ነቢይ ለጽሌ ትእዛዝ ዘየጎብኦ፤
ማርያም ድንግል ጊዜ ጸዋዕኩኪ በኣስተበቐረ፤
ለፀርየ ብእሴ ዐመጸ ኃይለ ዚኣኪ ይጽብኦ፤
እስከነ ያስቆቁ ጥቀ ድጎሪተ ገቢኦ።





ዚቅ

ጽላት ዘመሴ ዕፀ ጳጦስ ዘሲና፤
ጸናጽል ዘውስተ ልብሱ ለኦሮን ካህን።

ወረብ

ጽላት ዘመሴ ዕፀ ጳጦስ ዘሲና፤
ጸናጽል ዘውስተ ልብሱ ለኦሮን ካህን።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ዚቅ (ዘግምጃ ቤት)

ሃሌ ሃሌ ሉያ በጸም ወበጸሎት ፤
ተመጠወ መሴ ኦሪተ፤
ጽላተ ዐሥሮን ቃላተ።

ወረብ (፩)

ሃሌ ሃሌ ሉያ በጸም ወበጸሎት፤
ተመጠወ መሴ ኦሪተ ዐሥሮን ቃላተ።





መልክክ ማርያም (፩)

ሰላም ለመከየድኪ እለ ረከቦን መከራ፤

እምፍርሃተ ቀተልት ሐራ፤

እንበለ አሣኝን አመ ሐራ፤

ማርያም ጽዮን ታቦተ ቃለ ጽድቅ መንፈቃ ዕሥራ፤

ዕጐላት እምዕጐሊሆን ከመ ኪያኪ አፍቀራ፤

አፍቀርኩኪ አፍቅርኒ እምይእዜ ለግሙራ።





ዚቅ

ታቦት ታቦት እንተ ውስቴታ ኦሪት፤
ውቱረ ይከድንዋ በወርቅ።

ወረብ

ማርያም ጽዮን ታቦተ ታቦተ ፋሲለደስ ወኢያሱ
ታቦተ ቃለ ጽድቅ፤

ዕጎላት እም ዕጎሊሆን ከመ ኪያኪ፡
አፍቀራ፤ አፍቀራ እም ዕጎሊሆ(ን)።





ዚቅ (ዘግምጃ ቤት)

ሃሌ ሉያ ወሪድየ ብሔረ ሮሜ ፤ ለቤተ ክርስቲያን
ርኢክዋ ፤ አእመርክዋ አፍቀርክዋ ፤ ከመ እኅትየ ሠናየ
ኃለይኩ ፤ እምድገረ ጉንዱይ መዋዕል ፤ ወእምዝ
እምድገረ ገዳጥ ዓመታት ፤ ካዕበ ርኢክዋ ወትትሐፀብ
በፈለገ ጤግሮስ።

ወረብ

ሃሌ ሉያ ወሪድየ ብሔረ ሮሜ ፤ ለቤተ ክርስቲያን
ርኢክዋ ፤ አእመርክዋ አፍቀርክዋ ለቤተ ክርስቲያን።





መልክኦ ማርያም (፩)

በዝንቱ ቃለ ማኅሌት ወበዝንቱ ይባላል፤
ለዘይሰጸለኪ ብጸሲ ጊዜ ረከቦ ምንዳላ፤
ብጽሐ ፍጡነ ትሰጠዋል ዘይላ፤
ማርያም ዕንቀሥ ክርስቲሎሳ፤
ወምዕዝተ ምግባር እምክርላ፤
ዘጸገየ ማኅጸንኪ አፈወ ነባላ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ዚቅ

አብርሂ አብርሂ ጽዮን ዕንቁህ ዘጳዝዮን፤
ዘጎረዮኪ ሰለሞን።

ወረብ

አብርሂ አብርሂ ጽዮን፤
ዕንቁህ ዘጳዝዮን ፤ ዘጎረዮኪ ሰለሞን።





ማኅሌተ ጽን

ዘካርያስ ርእየ ለወርታ ሳባጥ በሠርቁ፤
ተአምርኪ ለዘይት ማእከለ ክልኤ አዕጽቁ
ማርያም ጽዮን ለብርሃን ተቅዋመ ወርቁ፤
ዕዝራኒ በገዳም አመ ወዓለ ውዱቁ፤
ለኅብረ ገጽኪ ጽን አተወ መብረቁ።





ዚቅ

ለቅድስት ቤተክርስቲያን ጌቱ መኃትዊሃ

ወጌቱ መሣውር ዘዲቤሃ፤

ዘካርያስ ርእየ ተቅዋመ ማኅቶት፤

ለኩለንታሃ ወርቅ ወያክንት።

ዕዝራኒ ርእያ በርእየተ ብእሲት፤

ወሶበ ርእያ ኢኮነት ብእሲተ አላ ሀገር ቅድስት፤

ዘካርያስ ርእየ ተቅዋመ ማኅቶት፤

ዘኩለንታሃ ወርቅ ወያክንት።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ወረብ

ለቅድስት ቤተ ክርስቲያን፤
መኃትዊሃ ጌቱ መኃትዊሃ፤
ዕዝራኒ ርእያ በርእየተ ብእሲት።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ተመሲለኪ ሰማየ እንተ አሥረቂ ፀሐየ፤
ተመሲለኪ ገራህተ እንተ ፈረይኪ ስርናየ፤
ማርያም ዘኮንኪ ለነፍሰ ኃጥኣን ምጉያየ፤
ለአቡየ ወለእምየ እለ ወለዱ ኪያየ፤
ኢትዝክሪ ማርያም ዘገብሩ ጌጋየ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ኢትዝክር እግዚአ ለነፍሱ ያጠካታ፤
 ዘገብረት በአእምሮ ወበኢያእምሮታ፤
 ክድና ሣህለ ከመ ዘሰሙር ወልታ፤
 ለባሕረ እሳት ኢታርእየኒ ንደታ፤
 እሰመ ተማኅጸንኩ ለእምከ በክልኤ አጥባታ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



አምላክ ምድር ወሰማያት ፤ አምላክ ባሕር ወቀላያት፤
ወአምላክ ኩሉ ፍጥረት፤
አምላኩሙ አንተ ለአበው ቀደምት፤
አምላኩሙ ለነቢያት አምላኩሙ ለሐዋርያት፤
አምላክ ፃድቃን ወሰማኝት፤
መሐረን ለነ አምላክነ፤
እስመ ግብረ እዴክ ንሕነ፤
ወኢትዝክር ኩሎ አበሳነ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ምስባክ

መዝሙረ ዳዊት ፵፯ ÷ ፲፪ - ፲፫

ዕግትዋ ለጽዮን ወሕቀፍዋ።
ወተናገሩ በውስተ ማኅፈዲሃ።
ደዩ ልበክሙ ውስተ ኃይላ።

ወንጌል

ማቴዎስ ፪ ÷ ቀ. ፩ እስከ ፍጻሜ





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ዓዲ ምስባክ

መዝሙረ ዳዊት ፹፮ ÷ ፩

እምነ ጽዮን ይብል ሰብእ።
ወብእሲ ተወልደ በውስቴታ።
ወውእቱ ልዑል ሣረራ።





ምልጣን

ዓይ ይእቲ ዛቲ እንተ ታስተርኢ እምርኡቅ ፤
ከመ ማኅቶት ብርሃት ከመ ፀሐይ ፤
መሴኒ ርእያ ሀገር ቅድስት ፤
ዕዝራኒ ተናገራ ዳዊት ዘመራ።

ወረብ

መሴኒ ርእያ መሴኒ ርእያ ሀገር ቅድስት ፤
ዕዝራኒ ተናገራ ተናገራ ዘመራ ዳዊት።





እስመ ለዓለም (በቅኝት)

ዘካርያስ ርእየ ተቅዋመ ማኅቶት፤
 ኩለንታሃ ወርቅ በየማና ወበፀጋማ አዕፁቀ ዘይት፤
 ደብተራ ፍጽምት ሀገር ቅድስት።
 ነቢያት ይትፌሥሑ በውስቴታ፤
 ሐዋርያት ይትኃሣዩ በውስቴታ።
 ወዳዊት ይዜምር በውስተ ማኅፈዲሃ፤
 ዘበሰማይኒ ወዘበምድርኒ በቃለ ዳዊት ይሴብሑ፤
 ወይብሉ ኩሎሙ ሃሌ ሉያ።





ወረብ

ዘበሰማይኒ ወዘምድርኒ በቃለ ዳዊት ይሰብሐ፤
ወይብሉ ኩሎሙ ሃሌ ሉያ።

አመላለስ

ዘካርያስ ርእየ ተቅዋመ ማኅቶት ኩለንታሃ ወርቅ፤
በየማና ወበፀጋማ አዕጽቀ ዘይት፤
ነቢያት ይትፌሥሐ ሐዋርያት ይትኃሠዩ በውስቴታ
ወዳዊት ይዜምር በውስተ ማኅፈዲሃ።





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ቅንዎት

ይቤ ዳዊት በመዝሙር ፤ ወሰብሐዬ ለአምላክኪ
ጽዮን ፤ ነቢይኑ ይቤ እግዚአ ሰማዕኩ ድምፀክ
ወፈራህኩ ፤ ወትትመረጎዝ በዕፀ መስቀልክ ፤ ሰማዕ
ጸሎቶ ለኩሉ ዘሥጋ ዘመጽኦ ኅቤክ።





ዘሰንበት

ዘእንበለ ይትፈጠር ሰማይ ወምድር ፤ ወዘእንበለ
ትሣረር ምድረ ገነት ፤ ሀለወት ስብሕት ቅድስት
ወቡርክት ይእቲ ማርያም እንተ ተሰምየት ሰንበተ
ክርስቲያን ጽዮን ቅድስት እሞሙ ለሰማዕት ፤
ወእኅቶሙ ለመላእክት።





አቡን

ሃሌ ሉያ ከመዝ ይቤሎ እግዚአብሔር ለኤርምያስ ነቢይ፤
“ሀብ ዚአሃ ለቤተክርስቲያን ፤ መራጉተ አወፍዮ
ለፀሐይ፤”

ካዕበ ይቤሎ እግዚአብሔር ለኢሳይያስ ነቢይ ፤ “አስምዕ
ሰብአ መሐይምናን ወኦርያሃ ፤ ወዘካርያስ ወልደ
በራክዬ።”





ዘሥረዩ (በ፲)

ዕዝራኒ ርእያ ወተናገራ፤

ወሶበ ርእያ ከመ ብእሲት ጎዝንት ወትክዝት ፤ እንዘ
ትበኪ በእንተ ውሉዳ። - ዕዝራኒ ርእያ ወተናገራ፤

ወይቤላ ኢትፊኦጵያኒ ላህ ዚእነ እንተ ረከበተነ በእንተ
ጽዮን። - ዕዝራኒ ርእያ ወተናገራ፤





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ወይቤላ ኢትፊኔዲኑ ከመ ተንሥተ መቅደስን ፤
ተስዕረ መዝሙርን አርመመ ስብሐቲን ወወድቀ
ምክሕን። - ዕዝራኒ ርእያ ወተናገራ፤

ወጠፍአ ማኅቶተ ብርሃን ፤ ወተበርበረት ታቦተ
ሕግን። - ዕዝራኒ ርእያ ወተናገራ፤

ወተገመነ ቅድሳቲን ፤ ወረኹሰ ስምን ወሐሥሩ
አግዓዝያኒን። - ዕዝራኒ ርእያ ወተናገራ፤





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ወውእዩ ካህናቲነ ፤ ወተጼወዉ ሌዋውያኒነ፤
ዕዝራኒ ርእያ ወተናገራ፤

ተቀትሉ ደናግሊነ ፤ ተስህቡ ጸድቃኒነ ወደክመ.
ጽኑዓኒነ። - ዕዝራኒ ርእያ ወተናገራ፤

ወይቤላ ወእምኹለሰ ዘየዓቢ ተሐትመት ጽዮን
ወወጽኦ እምኔሃ ክብራ ወገባዕነ ውስተ እደ ጸላዕትነ፤





የኢትዮጵያ ኦርቶዶክስ ተዋሕዶ ቤተ ክርስቲያን
የገዳር ጽዮን ሥርዓተ ማኅሌት



ማንኛ

እንዘ ዘንተ ይትናገራ ደንገፀ ወፈርሐ ቀሪቦታ ፤
ግብተ በርሀ ገጸ እምፀሐይ።





ዓራራይ

ዘኸንበለ ያእምር ሕፃን ሰምየ አቡሁ ወኒሙ ይነሥኸ
ኃይለ ደማስቆ ወይተካፈል ምህርካ ዘሦርያ በቅድመ
ንጉሠ ፋርስ ወይቤሎ እግዚአብሔር ለኢሳይያስ
ነቢይ “አስምዕ ሰብክ መሐይምናን አርያሃ
ወዘካርያስሃ ወልደ በራክዩ።”





ቅንዋት

ማርያምስ ተሐቱ እምትካት ውስተ ክርሠ ለአዳም
ከመ ባሕርይ ፀዓዳ ፣ እስመ በእንተአሃ ወበእንተ
አዝማዲሃ ተሰቀልኩ ዲበ እፅ ይቤ ከመ አድገኖሙ
አዳምሃ ፣ አቤልሃ ፣ አብርሃምሃ ፣ ይስሐቅሃ ወያቆብሃ
ወባዕዳን ነቢያተ እለ ከማሆሙ ዓቀቡ ሕግየ ከመ
በላዕሌሆሙ እሰባህ እስከ ለዓለመ ዓለም።





ሰላም

ዘካርያስ ርእየ ተቅዋመ ማኅቶት፤
 ገነተ ትፍሥሕት መካነ ዕረፍት፤
 እንተ ይእቲ ማኅደር ለካህናት፤
 ለእለ የኃድሩ በፈሪሃ እግዚአብሔር፤
 ይእቲኬ ቤተ ክርስቲያን፤
 በውሰቴታ የዓርጉ ሰብሐተ ካህናት፤
 በብዙኅ ትፍሥሕት ወሰላም።





እስመ ለዓለም

ዘካርያስ ርእየ ተቅዋመ ማኅቶት፤
 ኩለንታሃ ወርቅ በየማና ወበፀጋማ አዕፁቀ ዘይት፤
 ደብተራ ፍጽምት ሀገር ቅድስት።
 ነቢያት ይትፌሥሑ በውስቴታ፤
 ሐዋርያት ይትኃሣዩ በውስቴታ።
 ወዳዊት ይዜምር በውስተ ማኅፈዲሃ፤
 ዘበሰማይኒ ወዘበምድርኒ በቃለ ዳዊት ይሴብሑ፤
 ወይብሉ ኩሎሙ ሃሌ ሉያ።





የኢትዮጵያ ኦርቶዶክስ ተዋሕዶ ቤተ ክርስቲያን የገዳር ጽዮን ሥርዓተ ማኅሌት



ምንጮች

- ❖ ዝክረ ቃል
- ❖ የቀጩ ደብረ ሰላም መድኃኔዓለምና ደብረ ትጉሃን ቅዱስ ገብርኤል ቤተ ክርስቲያን ፍኖተ ሕይወት ሰንበት ትምህርት ቤት Facebook page.
- ❖ ethiopianorthodox.org
- ❖ ዘመን አደራው #ሥርዓተ_ዋሌማ_ወማኅሌት_ዘህዳር_ፅዮን
- ❖ መዝሙረ ዳዊት
- ❖ መጽሐፈ ግጻዌ
- ❖ መጽሐፈ ሰዓታት

የእመቤታችን የቅድስት ድንግል ማርያም ረድኤት ፣ በረከትና ምልጃ በሁላችንም ላይ ይደርብን ። አነሣሥቶ ላስጀመረን አስጀምሮ ላስፈጸመን ክብርና ምስጋና ለአምላካችን ይሁን። ለዘለዓለሙ አሜን።

ጌታሁን ተሾመ - ጥቅምት ፪ሺህ፻፭ ዓ.ም

Getahun Teshome November 2022, Columbus, Ohio USA

<https://www.mytewahdo.org>

